

SAKSPAPIR

Saksnr	Utval	Type	Dato
050/18	Formannskapet	PS	26.04.2018

Saksbehandlar	ArkivsakID
Arne Eikefet	14/6325

Domsavseiing om reguleringsrettar i Storavatnet- u.off.jf.off.I.§ 18

Vedlegg :

Vedlegg Dom StoravatnetDom Storavatnet kommentarer frå adv Endre GrandeVedlegg Krav om sak for jordskifteretten Grensegang og rettsutgreiing vedrørende.Brev til formannskapet i Lindås kommune 24. april 2018 - #9786509v1

Rådmannen sitt framlegg til vedtak:

Lindås kommune ankar ikkje dom av 14. februar 2018 i sak 15-197912RFA-JFOR HUNDVEN ved Nord og Midhordland/Sunnfjord og Ytre Sogn Jordskifterett.

Formannskapet - 050/18

FO - behandling:

Advokat Endre Grande orienterte.

Det vart samrøystes vedteke at møtet vert lukka jf. off.I.§ 15 2 og 3 ledd, § 18 og kommunelova § 31 punkt 5.

Fellesframlegg:

Tillegg til rådmannen sitt framlegg:

Dersom nokre av dei andre motpartane i saka anker, vil også Lindås kommunen vurdere ei motanke i saka. Rådmannen får fullmakt til dette.

Framlegget med tillegg vart samrøyssets vedteke.

FO - vedtak:

Lindås kommune ankar ikkje dom av 14. februar 2018 i sak 15-197912RFA-JFOR HUNDVEN ved Nord og Midhordland/Sunnfjord og Ytre Sogn Jordskifterett.

Dersom nokre av dei andre motpartane i saka anker, vil også Lindås kommunen vurdere ei motanke i saka. Rådmannen får fullmakt til dette.

Saksopplysningar:

Grunna knapp frist for tilbakemelding om evt. anke, skal saka avgjerast i Formannskapet.

Bakgrunn

Saka om vassrettane i Storavatnet har ein svært lang og omfattande forhistorie.

Den 6. februar 2014 gjorde kommunestyret følgande vedtak i sak 6/14, pkt. 2:

«For å avklare og fastsette rettigheter for framtidig uttak av vatn frå Storavatnet vert prosessar omtalt og tilrådd i notat av 23. desember 2013 frå advokat Endre Grande, gjennomført.»

I nevnt notat framgår at partane er einige om at saka om reguleringsrettar skal bringast inn for Jordskifteretten. Grunna stort arbeidspress ved Nord og Midthordland Jordskifterett har dette teke lang tid, og saka har vorte overført til Sunnfjord og Ytre Sogn Jordskifterett.

Rettsmøte vart halde 11. og 12. desember 2017. Dom vart avsagt 14. februar 2018 og forkynt 3. april 2018.

Domslutning:

1. Lindås kommune er eigar av reguleringsrettane/vassdragsrettane i Storavatnet med utløp inkludert Kjeggjarvatnet og utløpsområdet ved Treskallen med tilliggande landareal med reguleringshøgde: LRV 20,03 moh og HRV 20,80 moh.
2. Saksomkostnader blir ikkje tilkjent.

Dommen er samrøystes og ankefrist er 3. mai 2018.

Vurdering:

Rådmannen har bede sin prosessfullmektig i saka, advokat Endre Grande, om å kommentere dommen og gje ei tilråding om eventuell anke. Notat om dette ligg som vedlegg her.

Konklusjonen i notatet er at det er ein grundig dom og at kommunen vert rådd til å ikkje anke domsavseiinga.

Spørsmålet om i kva grad kommunen ein gong i framtida har trong for større rettar enn det 20,03 – 20,80 vil gje, lar Grande stå ope. Om dommen vert rettskraftig vil kommunen i så fall måtte søke om ny regulering, enten ved å senke terskelen under 20,03 eller evt. heve den ut over 20,80.

Rådmannen har fått utført fleire analyser av framtidig vassbehov for Alver kommune. Det er nytta ulik folketalsutvikling, næringsutvikling, lekkasjetal og nedbørsomfang, og ulike former for reservevassforsyning i krisetilfeller.

Ei samla vurdering av dette tilseier at kommune kan klare seg i fleire tiår med den reguleringsretten som framgår av dommen. Når det oppstår trong for meir regulering, kan dette søkast om som nemnt over her.

Ut frå ovanståande finn Rådmannen å tilrå at dommen ikkje vert anka.